

Iroun Beretitenti Dieter F. Uchtdorf

Te Kauoman ni Kauntira n te Moan Beretitentii



Ana Taeka te Atua Nakoia Natina

Ni koroboki aika a tabu e tuangiira te moan bwai are e karaoria te Atua imwiin karikan te mwaane ao te aine bwa e taetae nakoia.¹ Iai rongorongo irouna aika a kakaawaki ao kaetieti aika boongana ake e anganiira. Ana kantaninga bwa e na aki karawawataia ke ni kararaomaia ma e na kairia nakon te kimwareirei ao te mimitong ae akea tokina.

Ao anne ai tibwa te moan. Man te bong anne nakon te bong aei, te Atua e a tia n reitinako n reitaki ma Natina. Ana taeka a tia ni kawakinaki, n riki bwa kaubwai, ao ni kamatebwaiaki irouia ana reirei n rooro nako. A kaotaki irouia naake a ukoukoria ni kan ata ana kantininga te Atua, ao a kaota aia kakaoaua nakon te koaua are “te Uea te Atua akea te bwai ae e na karaoria, ma e na kaoti bwaai aika a raba nakoia ana toro aika burabeti.”²

Te baeten aei bon man te moan tai, ao e reitinako ni karokoa te bong aei. Bon tiaki tii karakin te Baibara ae tamaroa; Bon ana kawai te Atua are e kateia ibukin te reitaki n rongorongo aika a kakaawaki nakoia Natina. E kai-kawa temanna mai ibuakora, weteia bwa ana riki bwa ana burabeti, ao e anganiia ana taeka bwa a na taekinna, are ti kaoaki iai bwa tina “butimwaiia, n aron are mai wii[Na].”³ E taekinna, “e ngae man bon oin bwanaau ke bwanaia au tia mwakuri, bon titebo.”⁴

Aio ae moan te mimitong, kaunganano, ao te rongorongo ae kantaningaaki n rongorongan Kaokanbwaa—te

Atua e aki kainabwaabu! E tangiriia Natina. E aki kitaniira bwa tina ririaki inanon te roo.

Uoua te tai ni katoa ririki, inanon Eberi ao Okitobwa, e reke ara tai n ongo bwanaan te Uea rinanoia Ana toro n ara maungatabu ni kabuta ae tamaroa.

I angani ngkami au kakoaua bwa bon imwain ae e karaoa te mwananga ae abwabwaki te tia taetae n te maungatabu ni kabuta. teuanne ke neienne e a tia ni kabanea korakorana, n tatato, ao ni kamatebwai ni kaeka ibukin tibwangana n taetae. Ni katoai maroro ake a taekinaki n te maungatabu a kaoti mwaitin aoa ni katauraoi ao te bubuti ae nako man te nano ni kan ota n te bwai are e tangiria te Uea bwa ana ongo Ana aomata.

Tera ae e na kona n riki ngkana taan ongora e bootau ma ana katauraoi te tia taetae ma are irouna? E na kanga arora nakon te maungatabu ni kabuta n okoro ngkana ti noora te maungatabu bwa te tai ni karekea te rongorongo mai iroun te Uea? Rinanon taeka ma katangitang n te maungatabu ni kabuta, ti kona ni kantaningaia bwa tina karekei kaeka nakon titiraki nako ke kangaanga ake ti na kona ni kaitarai.

Ngkana tao ko kan ataia bwa Tamara are i Karawa e bon kona n taetae nakoim, N na kauringko n te bwai are e bebete man tamaroa taeka ake a anenei ataein te Buraimwarii: [Bon ngkoe] natin te Atua, ao e kanakoma[iko].” Ana kantininga bwa e na buokiko bwa kona okiria “ni maeka ma ngaia n te bong teuana.”

Ngkana ko nakon Tamara are i Karawa bwa Natina, ko kona ni butiia ma nanom ni kabane, "Kairirai, ao kawakinai, kaota te kawai. Reireiai ae n na karoaoia." E na tae-tae nakoim rinanon Tamneina ae Tabu, ao ngkanne e a nakoim "karoan ana kantninga." I berita bwa ngkana ko karoaoia, "kakabwaia aika a mwaiti a tauraoi."⁵

Ana kairiiri te Uea e kainnanoaki n te bong aei n aron mwaitin are e a tia n nooraki n rongorongan te aonaaba. Ngkai ti katauraoi n ongo ana taeka te Uea, ti bia kakorakairira n ukoukora Tamnein te koaua bwa e aonga ngkana e taetae te Uea rinanon Ana toro, tina kona n oota aoi ni kaitiakaki, ao ni bane ni kukurei.⁶

I kakoaua bwa "man karoan bwaai aikai mataroan moone e na bon aki tokanikai i [aora]; eng, ao te Uea ae te Atua e na kamaenakoa mwaakan te roo mai moa[ra], ao ni ioioa karawa ibukin kabwaia[ra], ao mimitongin arana."⁷

BWAAI AIKA A NA TARAAKI

1. Taraa Karikanibai 1:28.
2. Amota 3:7.
3. Reirei ao Berita aika a Tabu 21:5.
4. Reirei ao Berita aika a Tabu 1:38.
5. "Ngai Natin te Atua," *Anene*, no. 301; *Children's Songbook*, 2-3.
6. Taraa Reirei ao Berita aika a Tabu 50:21-22.
7. Reirei ao Berita aika a Tabu 21:6.

REIREI MAN TE RONGORONGO AEI

N tain te maungatabu ni kabuta ti kona ni karekei kaeka aika a bon kaineti nakoira nakon ara titiraki ao kangaanga ngkai ti kakauongo nakoia ana toro te Atua ake e rineia. Iangoa maroroakinan aikai ma naake ko reireiniia: Kona kanga ni katauraoi ni karekei kaeka n tain te maungatabu ni kabuta? Beretitenti Uchtdorf e kaungaira bwa tina "kakorakairira n ukoukora Tamnein te koaua." Tera ae kananonaaki n anne n am iango, ao kona kanga ni kairekereka aio inanova am katauraoi? N reitaki ma kakabwaia ake a taekinaki inanon Reirei ao Berita aika Tabu 21:6, tera kakabwaia riki tabeua aika a na roko ngkai ko katauraoi n ongo ana taeka te Uea rinanoia Ana toro? Ko kona ni kaoia naake ko reireiniia bwa a na koreia n aia tienoo te bwai are e reireiniia te Tamnei n te maungatabu ni kabuta aei.

KAIRAKE

Katauraoi n Ongo Bwanaan te Atua

B eretitenti Uchtdorf e kabwarabwara aron te moan bwai are e karoia te Atua imwiin karikan te mwaane ao te aine bwa e taetae nakoia ao e anganiira rongorongo ao kaetieti aika a kakaawaki. Ti karekea naba te kakabwaia anne n Eberi ao Okitobwa n tain te maungatabu ni kabuta, ngkana taan kairiiri n te Ekaretia a anganiira reirei are e tangiria te Uea bwa tina ongo.

Koa tia n ongo mai imwaina bwanaan te Atua rinaoia ana toro n tain te maungatabu ni kabuta? Ko a tia n namakinna bwa teuana te rongorongo ae e onoti e anganiko te kaeka are koa tia ni kaman kakaea? Inanon te tienoo, ko kona ni korea te namakin are e kanga ni buokiko. Ngkanne katauraoi n ongo bwanaan te Uea ni maungatabu aika ana roko ao ni korei am titiraki ao kamatebwai raoi n am tai ni kamatebwai koroboki aika a tabu. Tataro nakon te Tama are i Karawa, ni bubuti bwa kona karekei kaekaan titiraki ao iango n tain te maungatabu. Ngkai ko ongora nakon ana toro te Uea, kakauongo nakon te wirikiriki ae onoti nakoim. Tera ae koa tia n reiakinna? E kanga ae ko namakinna ni kaungako nakon te bitaki? Korei wirikiriki akanne ibukina bwa te Tamnei e a taetae nakoim!

Uringnga n tainako bwa Tamara are i Karawa e tangiriko ao e na kairiko n te kawai ae eti. Ngkai ko kataia n ongo ni Bwanaana rinanoia Ana toro, e na kakabwaiako ao ni kaitiakiko.

ATAEI

Katauraoi ibukin te Maungatabu!

K orei namakin aikai iaon te mwakoro ni beebwa. Kawakina iroum te bebwaa n tain te maungatabu bwa ko aonga ni korei bwaai ake ko reiakinii.

Korei am titiraki. I kan titiraki ibukin . . .

Tataro nakon te Tama are i Karawa. I tangiria ni buokaki n reiakinan te . . .

Ongora ni maungatabu ni kabuta. I reiakinna bwa . . .



Tataro ibukiia Aine n Tatabemaniia n Araia

Ara tangira ao ungan nanora nakoia naake ti kawaria e na rikirake ngkana ti nanorinano n tataro ibukiia aine nako riki n araia.

Onimaki, Utu, Buoka

Ni koroboki aika a tabu ao a mwaiti katooto irouia mwaane ao aine ake a tataro ibukiia tabeman n araia. Ibuakoia aika a bon rang kamimi bon ana karo Aramwa te tei. Te anera e taetae nakon Aramwa te Teei, n tuangnga bwa tamana “e a[tia] n tataro ma te onimaki ae korakora ibukim . . . ; mangaia ae, aio bukin ae I a roko iai bwa N na kaota nakoim mwaakan ao korakoran te Atua, bwa aonga ni kaekaki aia tataro ana toro n aron aia onimaki” (Motiaeae 27:14).

Te tataro ibukira n tatabemaniira e kauki nanora ni karekei kakabwaia ake e tangiria te Uea n anganiira. “Oin te tataro tiaki nanoa bwa ko na bita ana kantanninga te Atua, ma bon ibukin kawakinara ao ibukin kakabwaiakiia tabeman ake e tauraoi n anganiia te Atua, ma ti riai ni butiia bwa a na karekea.”¹

Temanna te aine e taekinna bwa inanon ana kangaanga inanon

maiuna, e roko te tareboon ke te rongorongo ae bebete e aki toki n roroko mai irouia ana taan reirei ni kakawari n tain “ana bong ni mena inanon te kangaanga.” Titebo ma a ata te tai are e kainnanao raoi iai te ibuobuoki. E ataia bwa a tataro ibukina, ngke a kawaria ao ngkana a tataro ibon irouia.

“Iangoa korakorara ae ikotaki ngkana ti tataro ma nanora ibukiia tarira nako ni katoa ingabong ao n tairiki, ma ae tamaroa riki, n aki toki n tataro n aron are e a tia n tua te Uea,” e taku Julie B. Beck, te Beretitenti Ni Kawai n te Bootaki n Aine.² Tataro ibukiia naake ti kawaria e kakorakoraira bon ioura ngkai ngaira Aine aika Itiaki ni Boong Aika Kaitira.

Beretitenti Henry B. Eyring, Moan Kauntira n te Moan Beretitentii, e taku: “Tataro ibukin kawai n atai nanoia. . . . Kona riai n ata te bwai ae tangiriko te Atua bwa kona

karaioia ni buokia ao ni karaoi ni kabane, ni kaniia are ko kona, n namakina ana tangira te Atua ibukiia.”³

BWAAL AIKA A NA TARAALKI

1. Kairi nakon Koroboki aika a tabu, “Tataro.”
2. Julie B. Beck, “Tera ae a Karaoi Aine ni Boong Aika Kaitira: Tei ni Matoa n Aki Kakamwaingaki,” *Riaona*, Nov. 2007, 110.
3. Henry B. Eyring, “Priesthood and Personal Prayer,” *Riaona*, Meei 2015, 85.

Iangoa Aio

Tera kaunganano ao iango aika a tibwa roko irouum ngkai ko a ti n tataro ibukiia aine ake ko kawaria?

Reirei

Ma te tataro ibukiia aine n tatabemaniia n araia, tina karekeia te kaunganano ioun te aomata n ata arona ni kaeka nakon kainnanon te aine are e kawaria.